


Moneda di 25 florin pa weganan Olimpico



ORANJESTAD (IPA-AC) Diahuebs 12 di Maart ultimo na Rijks Munt na Utrecht a tuma lugar impreso oficial di e promer moneda Arubano di 25 Florin, na ocasion di Weganan Olimpico na Barcelona 1992.

E acto oficial aki a wordo efectua pa Premier di Aruba sr. Nelson O. Oduber.

Na un banda di e moneda ta ilustra un disenjo di e artista arubano sr. Evelio Fingal y otro banda esaki a wordo disenja pa sr. Derk-Jan Hegeman, "modelleur" na Rijks Munt.

Na un banda tin profiexistente di su majestad Reina Beatrix y na e otro banda tin e texto Aruba 25 Florin; Olympische Spelen 1992, cu ilustracion di 2

windsurfer kende ta practica nan deporte favorito na Aruba. E balor nominal di ta 25 Florin, e diametro ta 38 mm y e cantidad di plata ta 925/1000. Pa coleccionistanan e moneda aki lo wordo traha den un calidad di prueba.

E moneda aki ta obtenibel mei mei di luna di Mei 1992. Windsurfen ta un deporte popular na Aruba, gracias na e e combinacion unico di solo, ola y e constante biento di passaat Noord-Este.

Anualmente na luna di Juni Aruba ta den celebracion di e Aruba High Winds Pro Am riba su beachnan blanco, caminda e competencianan di Surfing pa cualificacion internacional.